



«03» 03 2026 թ.

№ պր. 02/4/11

«ԱՐԱԳԱԾ» ՍՊԸ-ին /ՀՎՀՀ 01202004/

ՀՀ, ք. Երևան, Ռոստոմյան 53

Հեռ.՝ +374 94 949 600

ՀՀ պաշտպանության նախարարության և «Արագած» ՍՊԸ-ի միջև 31.05.2017թ. կնքված N ՄԱԱՇՁԲ-13-15 ծածկագրով գնման պայմանագրի (այսուհետև՝ Պայմանագիր) շրջանակներում «Արագած» ՍՊԸ-ն 2-րդ չափաբաժնի մասով աշխատանքների կատարման արդյունքում պետք է մատակարարեր մեկական փորձնական նմուշի արտադրանք, որը չի կատարել:

Հիմք ընդունելով Պայմանագրի 2.1.5 կետի «բ» ենթակետը՝ (կատարողը բազմիցս խախտել է սույն պայմանագրով սահմանված Աշխատանքի կատարման ժամկետները) ՀՀ պաշտպանության նախարարությունը 27.02.2026թ.-ին միակողմանի մասնակի լուծում է վերոնշյալ պայմանագիրը:

Տեղեկացնում եմ, որ «Արագած» ՍՊԸ-ն պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ պետական բյուջեի 900005028106 հաշվեհամարին փոխանցել 4 000 000 ՀՀ դրամ՝ որպես տույժ և տուգանք (Պայմանագրի 6.3 և 6.5 կետերի համաձայն), որը հաշվարկված է մինչև 06.12.2024թ. ներառյալ: Ինչպես նաև Պայմանագրի միակողմանի մասնակի լուծման արդյունքում ՀՀ պետական բյուջեի 900005570115 հաշվեհամարին անհրաժեշտ է վճարել /վերադարձնել/ 4 000 000 ՀՀ դրամը՝ ընկերությանը հատկացված կանխավճարի մնացորդը և 900005570115 հաշվեհամարին ենթակա է վճարման նաև պայմանագրի առանձին փուլերով կատարված աշխատանքների դիմաց


վճարված ընդհանուր 10 470 000 ՀՀ դրամը (Պայմանագրի 6.5 կետի համաձայն): Նշված գումարների վճարված լինելը հավաստող փաստաթղթերի բնօրինակները անհրաժեշտ է մինչև 2026թ. մարտի 10-ը ներառյալ ներկայացնել ՀՀ ՊՆ գնումների կազմակերպման վարչություն, 2077 սենյակ:

Հայտնում եմ, որ վերոնշյալ գումարները Ձեր կողմից չվճարելու դեպքում ՀՀ պաշտպանության նախարարությունը կձեռնարկի միջոցներ դրանց գանձելու ուղղությամբ:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը:

Տեղեկացնում եմ նաև, որ վերոգրյալի համաձայն «Արագած» ՍՊԸ-ն կընդգրկվի գնումների գործընթացին մասնակցելու իրավունք չունեցող մասնակիցների ցուցակում:

Հարգանքով՝



Կ. ԲՐՈՒՏՅԱՆ